

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

Takornariaqarnermut tunngatillugu suliniutit nalilersorneqarsinaanerannut atatillugu aalajangernissamut tunngavissat pitsanngorsarniarlugit Kalaallit Nunaannut angalasut pillugit paasissutissanik katersisarnerup pitsanngortinneqarsinnaanerannut atatillugu Naalakkersuisunut apeqqu.

(Inatsisartunut ilasortaq Ruth Heilmann, Siumut)

Tunngavilersuut:

Takornariaqarneq kiisalu suliniutit tassunga attuumassuteqartut inuiaqatigiinnut kalaallinut aningaasatigut iluaqutaapput. Aningaasatigut kinguneqaatit 2003-p kingorna takornariatitsinermit oqimaaqatigiissitsinerup inuiaqatigiinnut kalaallinut iluanaarutaaneratigut takuneqarsinnaavoq¹. Takornariatitsinermit inuussutissarsiornerup inuiaqatigiinnut kalaallinut pingaaruteqartuuneranik Siumup isumaqarnera nutaarsiassaangilaq. Kalaallit Nunaanni takornariatitsinerup pingaartinneqarluni inuussutissarsiutini sukarsuit sisamaattut inissisimalernissa Siumup anguniagaanut ilaalluinnarpoq.

Naalakkersuisut Nunami namminermit Takornariatitsisarnermut periusissiaq 2012-2015 saqqummersissimagaat maluginiarpara, tassanilu takornariatitsinermit tunngatillugu anguniakkat assigiinngitsut saqqummiunneqarput. Soorunami takornariatitsinerup ineriartortuarnissaa siunertaralugu anguniagassinneq pitsaavoq. Piffissami 2012-2015-imi takornariatitsinermit suliniutitta qanoq iluaqutaatiginerat nalilersussagutsigu, ullumikkornit pitsaanagerusumik nalilersinnaassagutsigu kisiteqqissaarnermut tunngasut pitsaanagerusut pisariaqartissannginnerpavut? Nunatsinni naatsorsueqqissaartarfiup piffissami 1. oktober 2007-imit 30. september 2012-ip tungaanut takornariat pillugit naatsorsoqqissaagai atuareerlugit nunanit allanit tikittartutut nalunaarsorneqartut nunat aggerfii pillugit sukumiinerusumik naatsorsoqqissaartarnissaanik kissaateqarnera pinngorpoq.

Nunami namminermit takornariatitsisarnermut atatillugu uuttorneqarsinnaasunik anguniagassinneqarput sumut iluaqutaassava, anguniakkat taakku piffissap takornariatitsisarnermut periusiorfigisap iluani anguneqarnerusut naammassineqarnerusulluunniit uuttorsinnaangikkutsigu? Takornariatitsisarnermut tunngasut aningaasanut inatsimmi aningaasaliinissamut tulleriiarinermut atatillugu qinikkatut sapinngisamik pitsaanerpaanik paasissutissanik pigisaqarnissarput pingaarluinnartuuvoq. Taamaammat apeqqutit tulluuttut Naalakkersuisunut saqqummiunnissaannut pissutissaqalerpunga.

A) Apeqqutinut tunuliaqutit

Naatsorsueqqissaartarfiup "1. oktober 2007-imit 30. september 2012-imit takornariat kisitsisinngorlugit" saqqummersitaani qupperneq 5-imi ima allassimasoqarpoq:

"Nunanit allanit angalasut 49 %-iisa missaat takornariaasartut siusinersukku missingiunneqarpoq.

Taamatut agguataarineq apeqqutinik immersugassiat nunatsinni mittarfeqarfinni sulisut 2006-imit 2010-mut Kalaallit Nunaannit nunanut allanurallarsunut

¹ Nunami namminermit Takornariatitsisarnermut periusissiaq 2012-2015 qupp. 8

tunniuttagaat kiisalu Kastrup-imi sulisut tunniuttagaasigaat atorlugit eqqoriarneqarpoq.”

A1) Kalaallit Nunaannut takornariartut timmisartukkut tikittartut pillugit kisitsisinik tutsuiginarnerusunik pigisaqalernissaq siunertaralugu, ungasinnerusoq isigalugu paasiniaariaaseq siuliani taaneqartoq Naalakkersuisut naammaginantippaat?

A2). Air Greenland A/S-ip ilaasorisartakkamik qanoq inuiaassuseqarnerat pillugu paasissutissanik pigisaqassasoq isumaqarpunga. Taamatut isumaqarnera eqqortuunerpa? Taamatut ilimagisaqarneq eqqortuuppat, paasissutissat taamaattut ataavartumik Naatsorsueqqissaartarfimmut tunniunneqartannginnerannut suna patsisaava?

- Tassunga ilanngullugu, assersuutigalugu paasissutissat taamaattut ingerlateqqissinnaanerannut tunuarsimaarnermut Air Greenland A/S-ip ingerlatsinerminut atatillugu unammillerneq eqqarsaatigalugu nipangiussisimanera patsisaava? Naalakkersuisut paasinnineq una eqqortutut isigaat?

A3) Naalakkersuisut apeqqut A2-mi paasinnineq uppersarpasuk, ilaasusartut nunanit sorlerneernerat pillugu Air Greenland A/S-ip Naatsorsueqqissaartarfimmut nassitsisalernissaannut periarfissat suunersut pillugit Naalakkersuisut paasissutissiinissaat kissaatigaara.

A4) Naalakkersuisut ullumikkut Air Greenland-ip paasissutissat pineqartut pillugit nassitsisinnaanerat periarfissaqanngitsoq isumaqarpata, paasissutissat pineqartut Naatsorsueqqissaartarfimmut nassiunneqartalernissaat qulakkeerumallugu Naatsorsueqqissaartarfik pillugu Inatsisartut inatsisaat nr. 11, 29. oktober 1999-imeersup allangortissinnaanera pisariaqartoq Naalakkersuisut naliliippat?